

**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

De introitu Missæ, & Kyrie eleyson.

Nutzungsbedingungen

[urn:nbn:de:hbz:466:1-54780](#)

omnia faciem Dei per peccata offensi reconciliare oportet, ut eò gratiùs offeratur Sacrificium; confitetur Sacerdos se peccatorem & maximum quidem esse per hæc verba: *Mea culpa, mea culpa, mea maxima culpa,* nec tantum id confitetur coram Deo, B. V. SS. Apostolis Petro & Paulo & omnibus Sanctis, sed & coram omni populo. Idem cum Sacerdote facit Missæ inserviens autem eam audieñs. Oportet autem id omnes facere seriò, & præmeditatè cum intensissimo quiodam de peccatis omnibus dolore, & firmissimo Deum post hac nunquam offendendi, ei omni diligentia serviendi, & statu ac professionis suæ partes exactè implendi proposito. Ea de causa Sacerdos & Missæ inserviens B. V. & SS. omnium intercessionem petit dicens: *Ideo precor Beatam Mariam semper Virginem, Beatum Michaëlem Archangelum &c. orare pro me ad Dominum Deum nostrum.* Ut divina Majestas gratiam elargiri dignetur factum ipsi serviendi propositum semper executioni mandandi.

De introitu Missæ, & Kyrie eleyson.

In introitu Missæ solet Ecclesia gemere, & in suis necessitatibus opem à Deo implorare, subin etiam in gaudii exultationis simul & laudis aliarumque virtutum affectus prorumpere. *Kyrie & Christe eleyson* nonies jussu S. Gregorii Magni repetitum ferventia SS. PP. Patriarchatum & Prophetarum vota significat, quibus Deum

Deum hominem factum videre quam ardentissime exoptabant. *Obsecro Domine, ingeminabat Moyles : Mutte, quem missurus es.* Jacob Patriarcha jam moriturus hoc nixus desiderio & spe Gen. 49. laetius mortem oppetiit dicens: *Salutare tuum expectabo Domine, ejusque videndi aviditate totus quantus accensus I^olaias clamabat: Utinam disrupteris calos, & descenderes.* Item: *Rorate celi de super, & nubes pluant justum, aperiatur terra, & germinet Salvatorem.* Il. 45. David quoque Ps. 84. ingeminat: *Ostende nobis Domine misericordiam tuam, & salutare tuum,* id est Salvatorem nostrum, *da nobis.* Hujusmodi gemitibus Scriptura plena est, quibus Deum in terra ambulantem Sancti videre desiderabant, utque e cælis descenderet, enixissime postulabant. Ad horum ergo imitationem Sacerdos celebrans, & quivis alias Missam audiens viva videndi JEsum Christum Dominum nostrum, qui salus, remedium & vita nostra est, excitet in se desideria, leque illâ consoletur spe, brevi illum se in Altari & visurum & adoratum in ænigmate, & post hanc vitam de facie ad faciem.

De Gloria in excelsis Deo, & Dominus vobiscum.

Nato Salvatore in stabulo Bethlemitico circa noctis medium [dum tenebris involuta omnia physicè, & moraliter respectu humani generis tenebris ignorantiae circa unius ac veri Dei cultum consepulti] luce cœlesti Pastores illu-